

auch ihr Kriegs-officier hoch vnd niedrige/ ihr habt euch alle Christen gerä-
met/ vnd dafür wollen gehalten seyn/dz ihr gut Evangelisch seyd: Lieber/wo
ist ewer glaube? wo ewre Christliche liebe mit ihrer frommen art? wo ist ewre
herrliche Gottesforcht? wo ist ewre Lampe vnd Licht guter Exempel? wo ist
ewer demüthig der welt abgestorben Herz? wo ist ewer vnst. äfftlich/Sottfellig
leben das auß Gott ist? wo ist ewre gerechtigkeit/redlichkeit vnd warheit? die
euch im Evangelio Christi sind vorgeprediget worden/daz ihr darnach sollet
leben? Denn Gott wird alsdann nit fragen/seyd ihr Catholisch/Lutherisch/
oder Calvinisch gewesen? oder nicht? Ich sorge fürwar vnd gewiß/ kaum
der X. theil vnter ihnen würd können mit ehren bestehen/ sondern der meiste/
geringste vnd fürnemste Hauff vnter ihnen wird müssen mit spott vnd schan-
den verstimmen: dann sehens alle redliche Patrioten vnd frome rechtschaf-
fene Christen nicht für augen? Ist es nicht lauter welt vnd fleisch/lecherer-
tigkeit vnd vppigkeit was sie treiben? Man findet vnd sieht/ man erfährt vnd
höret ja bey ihnen/vnd von ihren Dienern/dem meisten theil/an ihren höfen vñ
in ihren häusern nichts / als einen oberflüssigen pracht vnd vnordnung der
frembden Allemodischen kleider/so wol an ihnen als an ihren welt. vnd kin-
dern/stolz vnd vbermuth des herzens/ein vnarsäntlicher Geiz / vnd vnver-
söhnlicher haß vnd neid gegen die / so es nicht mit ihnen halten/hinderreden
vnd verrätheren bey hohen Häuptern/hureren/frauwenschänden spielen/ress-
sen/sauffen/tansen/banquetieren/liegen vnd irlegen/gewoltich vnd Gotts-
flüchtig fluchen/wünschen vnd schweren/warspott vnd verachtung Gottes
worts vnd seiner Diener/oberflüssig jagen/reuten/eriegen / sechten / sechen/
brechen/hawen/schleffen/morden/rauben/dominiren/jauchzen/Ju-
biliren/Musiciren/Triumphiren/feuerwerffen/Salve schleffen/schreyen/lä-
stern/crompeten/Heer trommel vnd Paukenschlagen/ Comædien agiren,
die heidnisch vnd ärgertliche Stück schäfen/sechenschulen / hur-sauff- vnd spiels-
häuser aufrichten vnd dergleichen? nicht anders/als wenn sie noch heidnisch
wären/vnd als es für auffrichtung des Christenthums durchs Evangelium
bey allen Heiden gelibt ist worden/vnd noch gelibet wird / damit bringen sie
die meiste zeit ihres künigen lebens zu/die sie besser solten vnd könten anwendē.

Auch habens etliche verertebene Fürsten mit ihrem gesinde/in jren Exilio
herren ohne land/an fremden orten noch mitten im sühlen Göttliches zorns/
der sie von land vnd leuten verjaget/also continuiert, das man nicht genug
hat wissen darvon nachzusagen/welche Babylonische blindheit an ihnen wol
mit blutigen thränen möchte beweinet werden. Wie mancher Fürst vnd
Graff/mancher Burgermeister vnd Rath weiß wol / das sein Drost vnd
Kriegsofficier ein ehebrecher vnd blutschänder/ein bawrenplacker/bürger vñ
haus.